

# Penyokong Barisan Nasional hairan remaja sokong Pas

■ MOHD ZAILANI ABD RAHMAN

**KUALA TERENGGANU** - Rata-rata penyokong Barisan Nasional (BN) yang ditemui melahirkan rasa hairan dengan sikap kebanyakan anak muda di Kuala Terengganu yang secara terang-terangan menyokong parti pembangkang semasa hari pengundian semalam.

S-H 12/11/09  
Kebanyakan golongan daripada saluran tiga, tanpa segan silu membawa dan mempamerkan bendera pembangkang pada kenderaan masing-masing dan berarak beramai-ramai mengelilingi Bandaraya Kuala Terengganu.

Salah seorang penyokong BN yang ditemui di pusat pembuangan undi, Asraf Rahman, 34, menyifatkan

M/6  
fenomena anak muda menyokong parti pembangkang secara terang-terangan ini adalah satu situasi baru di sini.

“Saya tidak pasti sama ada mereka anak tempatan atau orang luar, tetapi melalui percakapan mereka sebahagiannya adalah penduduk Terengganu.

“Saya pun agak pelik, pilihan raya kali ini jelas menunjukkan golongan itu secara terang-terangan menyokong par-

ti pembangkang,” katanya.

Dalam pada itu, bagi Othman Hamid, 40, juga menyatakan suasana golongan remaja membawa bendera Pas secara terang-terangan adalah satu perkara baru baginya.

“Pilihan raya dulu mungkin ada, tetapi ia tidak seramai ini, mungkin ia satu luahan perasaan yang jelas bagi golongan tersebut,” katanya.